



**Број:**

Sarajevo, 27.07.2022. godine

**ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ**  
**ПРЕДСТАВНИЧКИ ДОМ**  
n/r Председavajuћег Представничког дома,  
гдина Небојше Радмановића



Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik Bosne i Hercegovine“, br. 79/14, 81/15, 97/15, 78/19, 26/20) upućujem sljedeću

**ПОСЛАНИЧКУ ИНИЦИЈАТИВУ**

Kojom Predstavnički dom Parlamentarne skupštine Bosne i Hercegovine zahtijeva od Vijeća ministara Bosne i Hercegovine da uskladi član 220. stav (2) Odluke o provođenju Zakona o carinskoj politici u Bosni i Hercegovini („Službeni glasnik BiH“, br. 13/19, 54/19, 21/20, 47/21, 49/21, 4/22, 23/22) sa Zakonom o carinskoj politici u Bosni i Hercegovini („Službeni glasnik BiH“, br. 58/15), koji stupa na snagu 01.08.2022. godine, tako što će brisati dio teksta: „Kao pojednostavljena carinska deklaracija ne može se koristiti trgovinski ili službeni dokument.“.

**Образложење**


Članom 88. stav (1) tačka b) novog Zakona o carinskoj politici u Bosni i Hercegovini, koji stupa na snagu 01.08.2022. godine, propisano je *da radi pojednostavljenja carinskih formalnosti i postupka, a da se istovremeno osigura pravilno provođenje postupka, carinski organ može, u slučajevima i na način propisan provedbenim propisom, odobriti da neki od trgovinskih ili službenih dokumenata priloženih uz zahtjev za stavljanje robe u carinski postupak zamijeni carinsku deklaraciju, iz člana 74. ovog zakona.* Međutim, Vijeće ministara Bosne i Hercegovine je, na prijedlog Upravnog odbora Uprave za indirektno oporezivanje Bosne i Hercegovine, donijelo **Odluku o provođenju Zakona o carinskoj politici u Bosni i Hercegovini** („Službeni glasnik BiH“, br. 13/19, 54/19, 21/20, 47/21, 49/21, 4/22, 23/22), koja je u suprotnosti sa članom 88. stav (1) tačka b) Zakona o carinskoj politici u Bosni i Hercegovini („Službeni glasnik BiH“, br. 58/15), jer u članu 220. stav (2) propisuje: *“Kao pojednostavljena carinska deklaracija ne može se koristiti trgovinski ili službeni dokument.“.*

Dakle, Zakon o carinskoj politici u Bosni i Hercegovini omogućava da neki od trgovinskih ili službenih dokumenata, u koje spada i faktura, mogu zamijeniti carinsku deklaraciju, dok se Odlukom o provođenju Zakona o carinskoj politici u Bosni i Hercegovini, koju je, u suprotnosti sa Zakonom o carinskoj politici u Bosni i Hercegovini, donijelo Vijeće ministara Bosne i Hercegovine, propisuje da se ne može koristiti trgovinski ili službeni dokument kao pojednostavljena carinska deklaracija.

Navedena Odluka o provođenju Zakona o carinskoj politici Bosne i Hercegovine je nezakonita, jer nije u skladu sa novim Zakonom o carinskoj politici u Bosni i Hercegovini („Službeni glasnik BiH“, br. 58/15), i prouzrokuje dalekosežne negativne posljedice koje će pogoditi izvoznike u Bosni i Hercegovini, a koje se ogledaju u ograničavanju vremena izvoza zbog ukidanja pojednostavljenog postupka carinjenja po fakturi, jer će se postupak izvoza moći vršiti samo u toku radnog vremena carinskih ispostava, što vrijeme izvoza, odnosno prometa roba, **skraćuje sa perioda od 24 sata, tokom sedam dana u sedmici, na period od 10 sati, tokom šest dana u sedmici.**

Skraćivanjem perioda izvoza će se smanjiti izvoz od 25% do 40% za najveće izvoznike u Bosni i Hercegovini, koji imaju odobren pojednostavljeni postupak carinjenja po fakturi, a koji je i omogućio brži izvoz i razvoj ovih kompanija, što će imati za posljedicu gubitke stotina miliona eura prihoda u toku jedne godine. Negativne posljedice po privredu Bosne i Hercegovine zbog ukidanja pojednostavljenog postupka carinjenja po fakturi se ogledaju u smanjenju i usporavanju izvoza, smanjenju proizvodnje, smanjenju prihoda i obrta, smanjenju uplata direktnih i indirektnih poreza, povećanju troškova prevoza proizvoda zbog dužeg perioda čekanja i otežanog carinjenja, povećanju cijene proizvoda, odnosno dodatna poskupljenja u Bosni i Hercegovini, te drugim posrednim posljedicama koje će, zbog smanjenja izvoza, nastupiti za druge kompanije i radnike zaposlene u istim.

PODNOŠILAC



/Zlatan Begić/